

TE HEEHOURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 3.

Mati 1926.

Mat. 20.

Te faatiaraa no te ekalesia a te Mesia i teie nei mau mahana hopea, oia hoi hoê tauatani e vau hanere e toru ahuru matahiti m i te taeraa mai i rolo i te tino taata to tatou Fatu e to tatou Faaora o Iesu Mesia. (B. F. S. 17:1.)

Te Ono no Eperela

U A uihia aênei matou e, no te aha outou e haapao noa'i i te mau pureraa i te mahana ono no Eperela i te mau matahiti atoa? Tera hoi ia te pahonora e au ai; Na roto i te heheuraa api e noa'i ia matou te ite pâpû e, o te mahana mau ia i fanauhia'i to tatou Faaora o Iesu Mesia. Ahió i te Luka 1:26. O te mahana hoi ia i faatia-faahouhia'i te Ekalesia a Iesu Mesia i teie nei tau hopea nei, oia hoi, te mahana ono no Eperela i te matahiti 1830. E no reira te faatia noa nei matou i te mau pureraa i tana mahana ei haamana'ora i te mahana faanuraa o to tatou Faaora o Iesu Mesia, e ei haamana'ora hoi i te mahana i faatiahihi'a'i teie nei Ekalesia a Iesu Mesia nei. E no reira, ia tae i te ono no Eperela i mua nei, a haere anaé mai outou i te fare pureraa i Orovini, i Papeete, e faaroo i te mau parau maitai.

Te Tatarahapa

“Ua parau atura Petero ia ratou, E tatarahapa, e ia papetizohia outou atoa i roto i te i'oa o Iesu Mesia ia matara te hara, e horoahia ia te Varua Maitai ia outou.” (Ohipa-2:38.)

Te na ô mai nei te hiroo faaroo no te Ekalesia a Iesu Mesia i te Feia Moá i te Mau Mahana Hopea Nei e, “Te faaroo nei matou e, o taua mau faaueraa ra; te matamuaraa, o te faaroo ia i to tatou Fatu ia Iesu Mesia; te piti ra, te tatarahapa ia, te toru ra, o te baptizohia ia i raro i te pape ia matara te hara; te maha ra, o te tuuraa rima ia no te horoaraa'tu i te Varua Maitai.”

“E o tei faaroo ia'u e tei baptizohia ra, e ora ia, e o te riro ia ei taata i te basileia o te Atua ra. E o te ore e faaroo mai ia'u e te ore e baptizohia ra, e faahapahia ia. Oia mau ta'u e parau atu ia outou na, o tau ture teie, e te faaite nei au i te reira i te au i te Metua; e o te faaroo ia'u ra, e faaroo atoa ia oia i te Metua, e na te Metua e faaite ia'u ia'na ra, e ho mai oia i te auahi e te Varua Maitai ia'na. E na reira te Metua i te faaite ia'u, e na te Varua Maitai e faaite i te Metua e ia'u atoa ia'na ra; o te Metua e o Vau, e te Varua Maitai hoi, hoá â ia. E parau faahou atu vau ia outou, ia tatarahapa, e ia faariro ia outou iho mai te tamarii aruaru ra, e ia baptizohia i to'u ra i'oa e tia'i, aore ia e ere outou i taua mau mea ra. E parau faahou atu vau ia outou, ia tatarahapa outou e ia baptizohia i to'u ra i'oa, e ia faariro ia outou iho mai te tamarii rii ra te huru e tia'i, e ore outou e ô i te basileia o te Atua ra. Oia mau ta'u e parau atu ia outou, o tau ture teie, e o te patu i to'na i nia iho te reira ra, o te patu ia i nia iho i to'u pāpā, e e ore roa ratou e noaa i te uputa o hade, E o te faarahi, e te faaitia te reira, e faatia hoi ei ture na'u, no te ino mai ia oia, aore i patuhia i nia iho i to'u pāpā, te patu râ i nia iho i te tumu

one, e te vai iriti noa-hia te uputa o hade e farii ia'na, ia tahe mai te papepue e ia uhi mai te matai hoi i nia iho ia'na. No reira, e haere atu outou i teie feia nei, e faaite atu i ta'u e parau nei i te mau hopea mai o te fenua." (Nephi 11:33-41.)

Teie nei mau irava i nia nei ra, o te parau ia ta Iesu i parau i rotopu i te mau ati Nephi, e no reira a farii outou i teie nei parau, e a tatarahapa i ta outou mau hara, e a haapao hoi i te mau ture no te Evaueia a Iesu Mesia nei. Tei mua ia outou te mau ture e te mau faaueraa, e teie ia outou hoi te maiti i tei au ia outou.

"Inaha hoi, tei teie nei oraraa te taima ia faaineine te taata ia farerei i te Atua; oia ia o te mahana ia, te mahana o teie oraraa ia rave te taata i ta ratou ohipa. E teie nei, mai ta'u i parau na ia outou, ua tae mai ia outou te mau faaite e rava rahi, no reira te ao atu nei au ia outou e, eiaha outou e faaroaroa i te mahana o ta outou tatarahapa e tae roa i te hopea; no te mea i muri i te mahana o teie nei oraraa ra, o tei horoahia mai i te taata ia faaineine no te tau mure ore ra, inaha, ia ore outou ia rave maite i te ohipa a parahi ai outou i te ao nei, e i reira e tae mai ai te po piri, e e ore e tia ia ravehia te ohipa i reira. E ore e tia ia outou ia parau a arataihia'i outou i tana hopea riaria ra, e tatarahapa vau, e farii au i to'u Atua. Eita, e ore e tia ia outou ia parau i te reira; no te mea e mana a to tana Varua, tei to outou tino i te mahana e pohe ai outou ra, i nia i to outou tino i tana ao mure ore ra. Inaha, hoi, ia faaroaroa outou i te mahana e tatarahapa ai outou ra, e ia tae mai te pahe, ua riro outou ei tavini o te varua o te diabolote e taman oia ia outou no'na iho; no reira e faarue ai te Varua o te Atua ia outou, e aore atura O'na e vairaa i roto ia outou, e no te diabolote mana atoa i nia ia outou; e o te huru hopea teie e tei rave i te ohipa ino ra." (Alama 34:32-25.)

— Viliamu Biridi

Te Ohipa no tei Pohe ra.

Eaha te haamaitairaa rahi i horoahia mai e te Atua ia tatou nei? Tera mai ia te pahonoraa, oia hoi, o te ora mure ore ra. Ua taa anei ia tatou te hurn no te ohipa tei tuuhia mai i nia iho ia tatou no to tatou mau taata i pohe ra? Aita paha tatou i feruri no nia i te reira vahi.

Ua haapii mai te peropheta o Iosepha Semita e, e tairihia te fenua nei i te ino, maori râ e faafariuhia te aau o te mau metua e te tamarii. E no reira, na tupu paha te uiraa i reira e, nahea e ravehia i teie nei ohipa? Tera ia te pahonoraa, na roto i te bapetizoraa, e te raveraa i te ohipa no te feia i pohe ra.

Ua haapiihia e ua ravehia hoi te ohipa no tei pohe ra i roto i te Ekalesia i faatiahia e Iesu i to'na ihora anotaui. E te rave noa-ha ra tana mau ohipa ra e tae noatu i te matahiti 379 i muri a'e i to Iesu poheraa. Ua haapii atoa o Paulu i te reira i to Korinetia. (Kor. I 15:29.)

Mai te peu e, e ravehia teie nei ohipa no tei pohe ra ia patuhia te mau hiero e tia'i, no te mea ua faataahia te mau hiero ei mau vahi no te raveraa i tana ohipa mo'a ra. Tera hoi ia te tumu i patuhia i te mau hiero e te Fenua Mo'a i teie nei tau hopea nei, no te mea eita teie nei ohipa mo'a e faariihia maoti râ ia ravehia i te vahi i faavehia mai.

Ua tohu mai te peropheta ra o Malaki i te parau tei haapii pãpũ mai ia tatou te faufaa na te raveraa i te ohipa no tei pohe ra. Tera hoi ia ta'na parau tohu: "Inaha, e tono na vau i te peropheta ra ia Elia ia outou na, a tae atu ai i tana mahana rahi matau o Iehova ra: ia faafariu oia te aau o te mau metua e te tamarii, e te aau o te mau tamarii o to ratou mau metua o te haere mai hoi au e o te tairi i te fenua nei i te ino. (Malaki 4:5-6.) Ua faatupubhia tei nei tohuraa.

I te matahiti 1836, ua fâ mai o Elia ia Iosepha Semita raua o Olive Taudere, e ua parau maira oia e, "ua horoahia te mau taviri no te tau hopea nei i roto i to orna na rima, e na roto i te reira e ite ai orua e, ua fatata roa te mahana rahi matau o Iehova ra."

E baptizohia te mau tamarii i roto i te hiero no to ratou mau metua o tei ore i faaroo na i te Evanelia a ora noa ai ratou i roto i teie nei ao, e na roto i te reira e faafariuhia i te aau o te tamarii i ta ratou mau metua, e te mau metua i ta ratou mau tamarii. Ua ite tatou e, aita e baptizoraa i te ao ra, e no reira ia baptizohia te mau tamarii no to ratou mau metua i roto i teie nei ao e tia'i, no te mea na oti i te papaihia e, "Ia ore te taata ia fanau i te pape e te Varna e ore oia e ô i te basileia o te Atua ra." (Ioane 3:5.) Ua ite hoi tatou e, e aôhia'tu te Evanelia i te ao ra, no te mea i muri iti aé i to Iesu faatatanro raa hia ua haere atura oia i reira, e na aôatu oia i te mau Varna i roto i te tapearaa. E mai te mea e baptizohia tatou no ratou i teie nei ao e tia'i e nehenehe ia ratou ia farii i te Evanelia i tera ao, e roaa hoi ia ratou te tiaraa teitei.

E no reira a imi na outou i te mau i'oa no to outou mau bñitupuna i pohe ra, e a haapono mai ia matou, e na matou e haapono atu i te hiero moá o te Atua, e e ravehia taua ohipa faufaa rahi ra. E ua na ô maira te peropheta o Iosepha Semita i roto i to'na mau mahana e, "Aita'tu e ohipa rahi tei vaihoahia i nia iho ia tatou maori râ te raveraa i te ohipa no to tatou mau taata i pohe ra, no te mea, mai te peu, aita tatou e rave i teie nei ohipa eita ratou e faaorahia; e eita hoi roaa ia tatou te tiaraa teitei. No reira, a ara, e a rave hoi i teie nei ohipa, e na roto i te reira e ohoa'i tatou e to tatou mau taata i pohe atoa hoi.

--Ioane Orotona

Nofea Mai Tatou

NOHEA mai tatou? e eaha te tumu i haere mai ai tatou i roto i teie nei ao? e ia pohe tatou ra, e haere ia tatou i hea? Tera ia te tahi mau uiraa o tei ui-pinepine-hia e to te ao atoa nei.

E tamata tatou i te pahono i taua mau uiraa ra. Ua parau mai te Atua ia Ioba e, "I hea oe ia'u i haamau i te tumu o te fenua nei? a faaite mai na, peneae te ite ra oe. "Na vai i tuu, i te faitoraa ua ite hoi oe na? e na vai i taitai i te taura na nia iho? "I haamauhia te niu i nia i te aha? e na vai i tuu i te ofai tihi, "A fatu atoa'i te mau fetia poipoi i te himene, e ua pii noa te mau tamarii atoa a te Atua i te oaca?" (Ioba 38:4-7.) Tei reira hoi o Ioba. Tei reira hoi o Ieremia. (Ieremia 1:E.) I ora noa na tatou hou teie nei ao i hamanihia'i i roto i te ao varua. E tamarii varua tatou na te Atua, e na'na tatou i fanau i roto i te paeau varua. E varua anaé tatou i reira; aita to tatou e tino ió e te ivi mai i to tatou nei tino i te huru.

Eaha te tumu i haere mai ai tatou i roto i teie nei ao? Tera ia te tumu: ia roaa ia tatou te tino ió e te ivi mai i to te Atua tino ió e te ivi i te huru. Hou te ao nei i faatiahia'i ua apoo te mau tamarii varua a te Atua, e ua faaite atu te Atua ia ratou i to ratou huru mau. Ua horoahia te tiamâ ia ratou, e tia'i ia ratou ia haapao i ta te maitai e aore râ i ta te ino. Ua faaite hoi te Atua ia ratou e, ua tae te taimé no te faahurn-ê-raa i to ratou parahiraa, e ua fatata te tau e haere ai ratou i roto i te tahi ao, e i roto i taua ao, e roaa ai ia ratou te mau tino ió e te ivi; e farerei hoi ratou i te mau ati e te mau peapea huru rau, e na roto i te reira e tamatahia'i ratou. Ua parau atoa mai e, e tonohia na taata e toopiti i roto i taua ao ra e na raia e haamata i te ohipa no te noaaraa i te mau tino. E ua tonohia ihora o Adamu raua o

Eva
oia
ino,
tou
raau
e ua
faa'i
"eal
amu
ere a
tera
te re
tahu
maa
e ua
tamu
mai
mau
tino,
tiara

hara
raa
O te
o Ev
mai
na m
Tam
Oia
hara
te re
nehe

Eva i roto i taua ao ra, e ua horoahia te tahi na ture ia raua oia hoi, eiaha raua e amu i to te raua e ite ai i te maitai e te ino, e ia faaî i te fenua nei i te taata. E ua pâpû roa ia tatou e, ua ofati raua i te ture iti, oia hoi, ua amu raua i to te raua ite, e na roto i te reira ua faahuru-êhia to raua na tino e ua nehenehe ia raua ia haapao i te ture rahi, oia hoi, ia faaî i te fenua nei i te taata. Ua ui mai te tahi mau taata e, "eaha, te parau mainei outou e, e maa mau ani ta raua i amu?" Tera ia te pahonora au ai: e, e maa mau te reira. E ere anei te reira i te parau i papaihia i roto i te Bibilia? Mai tera te huru no taua maa ra, e maa tahuti te reira, e aita hoi te reira huru maa i au i to raua tiaraa no te mea, e na taata tahuti ore raua i reira, e na roto i te amuraa i taua huru maa ra, ua haahuru-ê-hia to raua na tino ei na tino tahuti, e ua moe ihora ia raua te mau mea ta raua i ite na, i te matamua. Hoé ahuru te mau raua taero i teie nei â mahana, mai te mea e inu tatou i te reira mau huru, e pohe to tatou mau tino, e na roto i te reira ua faahuru-ê-hia to tatou mau tino, no te mea aita roa te mau raua taero i au i to tatou tiaraa.

E na roto i to raua ofatiraa i te ture ra, ua tae mai te hara i roto i teie nei ao, e ia peehia te hara e to'na faahaparaa e tia'i, e no reira i tae mai te pohe i roto i teie nei ao. O te pohe ia te utua no te hara. E ua pohe hoi Adamu raua o Eva mai ta te Atua i parau maira. Aera râ, ua horoa mai te Atua i te ravea e ore ai te utua no te hara o to tatou na metua matamua, oia hoi ua horoa mai oia i to'na iho Tamaiti Fanau Tahiti ei Faaora no tatou. E ua haere mai Oia i roto i teie nei ao e ua pupu atu oia ia'na iho ei tarahara no te hara i rave hia e na metua matamua, e na roto i te reira ua haapaohia te ture mure ore no te tia. Nahea i nehenehe ai ia Iesu ia rave i teie nei ohipa faaora? Tera ia

te tumu; no te mea e taata hara ore eia, e aita atu e taata hara ore i roto i te ao nei. E no to'na aroha rahi ia tatou nei i pupu ai oia ia'na iho ei taraehara, ia faaorehia te utua no te hara. "Mai te taata i hope i te pohe ia Adamu, e hope atoa i te faaorahia i te Mesia." (I Kor. 15:22.) E noa'tu to tatou ino e tia-faahou-mai tatou mai te pohe mai, e e haavâhia tatou no te mau ohipa ta tatou i rave a ora noa ai tatou i roto i teie nei ao. A taio na i te Ioba 19:25-27; Ezekielâ 37:1-14; Ioane 5:28-29: Ohipa 24-15.

E no reira, tera ia te tumu i haere mai ai tatou i roto i teie nei ao, oia iho, ia roaa ia tatou to tatou mau tino iô e te ivi mai to te Atua i te huri, e ia roaa hoi ia tatou te haapiiraa no roto i te farereiraa i te mau ati e te mau peapea no teie nei ao, no te mea no roto i to tatou mau ati e roaa ia tatou te ite.


E tera ia te niraâ hopea, "Ia pohe tatou ra, e haere tatou i hea? Te na ô mai nei te hoê parau i roto i te Petero 1:3:19 e, "O ta'na ia i ao atu i te mau varua e vai i roto i te tapearâ i teie nei; o tei ore i faaroo i mutahiho ra, i te faaoromairaa roa o te Atua i tia ai i te anatau ia Noa ra, i te tarairaa i te pahira, i ora i e toofanu pue taata i te moana ra, oia hoi, no taata e tohau ra." Ua parau atoa'tu o Iesu i te taata eia o tei faatataurohia i pahiiho ia'na e, "Ei paradaiso ia oe e o vanatoa i teie nei â mahana, oia mau ta'u e parau atu ia oe nei." (Luka 23:43.) Na teie nei tau irave e haapii mai ia tatou e, e haere atu tatou paradaiso tia ai i te mahana haavâraa. E i roto i tau vahira e aôhia'tu ai te Eyanelia i te mau taata i reira, e ma te mea e faaroo ratou ra, e noaa ia ratou te tatarahapa, e mai te mea e rave tatou i ta ratou mau ohipa no te faaotira i te mau oroa i faauehia mai na tatou e rave ra, e noa ihoâ ia ratou te ora mûre ore. E no reira mai te mea tu liaapao tatou i te mau ture e te mau faaueraa a ora noa a

tatou i roto i teie nei ao, eiaha tatou e mataú no te pohe, no te mea e ere ia i te pohe mure ore, e taoto noa iho râ.

E ia tae i taua mahana rahi mataú o Iehova ra e haa-vâhia'i tatou no te mau ohipa ta tatou i rave i to tatou oraraa i roto i teie nei ao; e faautuahia tatou no te mau ohipa ta tatou i rave, mai te mea ua rave tatou i te ohipa maitai ra, e utua maitai te roaa mai, e mai te mea e ohipa iino ra, e utua ino ihoâ te roaa mai. E mai te mea ua haapao tatou i te mau ture e te mau faaueraa o te Evanelia e riro tatou ei mau Atua. "O to te taata nei huru ra, o to te Atua ra huru i te matamua; e to te Atua nei huru ra, o te huru ia e noaa i te taata nei na roto i te haapao."

E no reira, a faruri e a haapao hoi i te mau parau moá a te Atua, no te mea aita'tu e ravea roaa'i ia tatou te oaoa mau.

—Hebera Foutera



TE HIERO MO'A O TE ATUA I CANADA

Te Mau Parau Apî

Ua faaipoipohia aénei i te fenua Amerika te hoé taata, e 86 to'na matahiti e e 65 matahiti to ta'na vahine.

I te fenua Amerika i roto i te avae Febuare i mairi aénei, ua tupu te auahi i roto i te hoé fare e tei roto i taua fare ra na tamarii e toomaha, e ua paapaa pohe roa ratou atoa, e ua mou roa'tura hoi te fare.

I te fenua Amerika i roto i te avae Febuare i mairi aénei, ua fanau te hoé vahine, e i taua ihora mahana ua fanau hoi to'na tamahine matahiapo, e poipoi aé ra ua fanau hoi te tamahine matahiapo no te tamahine matahiapo no te vahine matamua.

Te vai ra te hoé apoo pape i te oire Bellingham i te fenua Amerika, e toru hanere avae te hohonu o taua apoo pape ra, e ua itea aénei i te taata na'na taua apoo pape nei te mau iá huru e, i roto i ta'na apoo pape, e mai tera hoi te huru o taua mau iá huru ê ra, e vau initi te roa, e aita to'na e poâ e aita hoi to'na e pehau.

Ua parauhia aé nei e te tahi mau taata moto, ua moehia ia Jack Dompsey to'na ite, i te moto, e e pohe ohie oia i te mau huru taata moto atoa, e ua faaroo aéra o Jack i teie nei parau, e ua tamata oia e ono taata tuiroo i te hoé pô i roto i te avae Febuare i mairi aénei, e na pohe na taata e toomaha ia'na, e na faaea te tahi, e te tahi ra, ua faaea oia i te hopea o te ranu piti ra. E tapao hoi te reira e, aita eá i moe i te Champion i to'na aravihi moto.

Te faaite mai nei te mau vea no te fenua Tinito e, te pohe nei e hoé mirioni taata i te poia i taua fenua ra.

Ua mau e atu te hoé pahi reva no te Hau paniora i te fenua Amerika. O Franco ia te ióa o te taata i faatere i taua maueraa ra.

A tere ai te hoé pahi auahi Yosemite i roto i te ava i fatata i te fenua San Francisco, ua tomo roa taua pahi ra, ua ora râ te mau taata.

I te fenua Amerika i roto i te avae Febuare i mairi aé nei, a tarava'i te hoé taata i nia i to'na roi ua puhipuhi oia i te avaava, e a puhipuhi ai ra ua taoto ihora oia, e ua topa ihora te avaava i nia iho i to'na roi, e ua tupu ihora te auahi e ua paapua pohe ra taua taata ra e to'na fare atoa.

I te oire ra o Delhi i te fenua Initia, e tufaa fenua no te hau Paratani ua tupu te hoé areaarea i te hoé taata i reira. Ua imihaere ona i te mau puua oviri e ua manuia ona. Ua taparahi ona e hoé ahuru ma hoé liona, e e piti puua oviri mai te Erephani i te huru i na mahna e ono.

I te oire ra o Morgantown i te fenua Amerika te ora nei te hoé taata amu maa, e champion ona, no te mea ua amu ona i te mau maa i papaihia i raro nei i te hoé tanaaraa, Teire ia e ono kilo iá, e maha faraoa, e pae aná i roa i te taofe, epiti dadini huero moa. Ua amu ona i teje mau mea imua i te aro o te mau mutoi o taua oire ra, no reira e papu ai ia tatoue, e parau mau te reira.

Ua tupu te hoé mea maere i te fenua Amerika i te avae i mairi aénei teie ia te huru no te reira, I roto i te hoé veru hiona ua mairi te hiona utente e tae i te piti ipiti i te hohonu i nia i te repo, te tumu no te reira te tahi ia mouá auahi e te auauahi utente inia i te reva e te rehu auahi atoa.

I roto i te avae Febuare i mairi aénei ua tupu te hoé veru ino roa i te mau fenua atoa, e te aueue raa fenua, e te miti puai. Ua tomo i raro te hoé pahī Paratani e te hoé pahī Italia i roto i te moana rahi i te hitia o te râ. Ua mou te mau fare e rave rahi i te matainaa ra o Califonia, te tumu no reira ia te miti rahi. Ua mataú roa te mau taata i te fenua Iapone no te mea, ua tae te tahi aueueraa fenua reira, e na faarue ratou i to ratou mau fare, e ua horo ratou i nia i te mouá.

I te matainaa o Utaha i roto i te fenua Amerika i te mahana hoé ahuru ma vau no Febuare, ua tupu te hoé a rahi roa i te oire ra o Bingham. Ua topa i raro te hiona mau te mouá mai i nia i te mau fare o taua oire ra. Ua tanuhia e hoé hanere e tiahapa taata, e na pohe roa e toru ahuru ma pae, e ua moehia te tahi mau taata no taua vahira. Ua mouhia e hoé ahuru e ma maha fare, e te hoé fare hotel. Ua ora te tahi pae e ua pohe te tahi pae, e ua moe roa te tahi pae. Aita te hoé ravea toe ia roa te mau tino taata pohe i moehia maoti ra e tia i te tau mahanahana. E tae te reira tau mahanahana e pau ai te hiona ei reira e imi i te mau tino pohe.

O. B. Peterson, Imprimeur,

Rue Brea et de la rue Dumont d'Urville, Orovini, Papeete

Nu.

In
na, a
faafar
tamar
tairi i

Na

teie ne
haaval
ani-no
Tera n
amnihi
eaha te
Paulo,
mana i
Iuda r
taata a
nei ao,